

萬有文庫

第二集七百七種

王雲五主編

漢書補注

(五十二)

王先謙補注

商務印書館發行

漢書補注

(五十二)

王先謙補注

國學基本叢書

荆燕吳傳第五

漢書三十五

漢 蘭 臺 令 史班 固 撰

唐正議大夫行祕書少監琅邪縣開國子顏師古 注

賜進士出身前翰林院編修國子監祭酒加三級臣王先謙補注

荆王劉賈〔補注〕錢大昕曰宗室王例不書姓劉賈劉澤獨書姓衍文高帝從父兄也師古曰父之兄弟之子爲從父兄弟也言本同祖從父而別〔補注〕齊召南曰史記劉賈諸劉者不知其何屬此云從父兄又史記劉澤

諸劉遠屬此云從祖昆弟皆班氏補史記之缺略也不知其初起時漢元年還定三秦賈爲將軍定塞地師古曰司馬欣之國也塞音先代反從東擊項籍漢

王敗成皋北度河得張耳韓信軍軍脩武深溝高壘使賈將二萬人騎數百擊楚度白馬津師古曰卽今滑州白馬縣

河津也〔補注〕先謙曰在今衛輝府滑縣東入楚地燒其積聚師古曰倉廩芻藁之屬呂破其業無呂給項王軍食呂而楚兵擊之賈輒避不

肯與戰〔補注〕齊召南曰史記作賈輒壁不肯與戰是堅守壁壘意此作避是避其鋒也王念孫曰避本作壁壁不肯與戰謂築壘壁而守之不肯與戰也吳王濞傳條侯壁不肯戰是其證後書耿弇傳注壁謂築壘壁也後人不知其義而改壁爲避其失

甚矣荆燕世家正而與彭越相保師古曰保謂依恃目自安固漢王追項籍至固陵使賈南度淮圍壽春還至使人閒招楚

大司馬周殷

師古曰：閒謂私求閒隙而招之。〔補注〕王念孫曰：後書鄧禹傳注：閒，私也。謂使人私招之也。項羽紀：沛公道菑陽，閒行謂私行也。漢王閒往從之，謂私往也。王可以閒出，謂私出也。顏注於義轉迂。

周殷反楚，佐

賈舉九江，迎英布兵，皆會陔下，誅項籍。漢王因使賈將九江兵，與太尉盧綰西南擊臨江王共尉。

師古曰：共。

敖之子也。共讀曰龔。

尉死，呂臨江爲南郡。賈既有功，而高祖子弱，昆弟少，又不賢，欲王同姓，呂填天下。

師古曰：填，音竹刃反。

乃

下詔曰：將軍劉賈有功，及擇子弟可曰爲王者。

〔補注〕先謙曰：史記下有立弟交爲楚王，子肥爲齊王，故云然。漢書節去，則此爲羨文。

羣臣皆曰：立劉賈爲

荊王，王淮東。

〔補注〕先謙曰：時分韓信地爲二國。楚王交王淮西也。史記云：王淮東五十二城。高祖作東陽郡，鄣郡、吳郡五十三縣。吳王濞傳云：王三郡五十三城，卽賈舊封也。史記二字當依此訂表云都吳。

立六年，而淮

南王黥布反。

〔補注〕先謙曰：賈以高帝六年正月立，十一年布反。

東擊荊賈，與戰弗勝，走富陵。

師古曰：縣名，地理志屬臨淮郡。〔補注〕先謙曰：今泗州盱眙縣東北六十里。

爲布軍

所殺。

燕王劉澤，高祖從祖昆弟也。

師古曰：言同曾祖，從祖而別也。〔補注〕先謙曰：索隱引楚漢春秋：田子春說張卿云：劉澤，宗家也。言宗家似疏遠，先謙案：班補史闕，當別有見。楚漢春秋：非陸賈元書，不足據證。

高祖

三年，澤爲郎中十一年，呂將軍擊陳豨將王黃。

〔補注〕周壽昌曰：史記作得王黃，是樊噲傳云：虜大將王黃，而史記陳豨傳：王黃以賞購得之情事可互證。

封爲營陵侯。

高后時齊人田生。晉灼曰楚漢春秋云字子春。〔補注〕先謙曰官本注在游乏資下。游乏資。目畫奸澤。服虔曰目計畫于之。文穎曰目工畫得寵也。師古曰共爲計策欲目求王服說是也。畫音獲。〔補注〕

王先慎曰史記奸作干。据服注。澤大說之。師古曰說讀曰悅。用金二百斤爲田生壽。師古曰因飲酒。田生已得金。卽歸齊。二

歲。澤使人謂田生曰弗與矣。孟康曰與黨與也。言不復與我爲友也。文穎曰不復與汝相知也。師古曰孟說是。田生如長安。不見澤。而假大宅令其子

求事。吕后所幸大謁者張卿。如淳曰奄人也。〔補注〕宋祁曰南本浙本並作張澤卿。澤或作釋卿。案周勃傳宦者令張釋諭告顏注曰荆燕吳傳云張澤今此作釋未知孰是。然則此宜作澤卿矣。但釋澤二字不知何從。

後云今卿最幸。疑卿是字。釋其名也。齊召南曰案此書恩澤侯表及周勃傳皆作張釋。與史記吕后紀同。而匈奴傳作張澤。與史記文帝紀及表同。宋祁疑卿是字是也。但史漢每遇澤釋字輒互異。如張良傳建成侯呂澤實是呂釋之。此宦者張卿名釋名澤究難懸定

也。先謙曰釋澤古字通用。卿蓋美稱。下文田生亦居數月。田生子請張卿臨親脩具。師古曰親父也。具供具也。〔補注〕周壽昌曰顏謂田生令子請之故云然。然觀

屢稱卿蓋若魯扶卿張恢生轅固生申培公之比。下張卿往見田生。屏人與語。是仍以田生爲主。親脩具者不假手廝僕。若魏其迎田蚡夫妻治具是也。張卿往見田生。帷帳具置如列侯。〔補注〕先謙曰具置猶供具也。史記作盛帷帳共具。張卿驚。

酒酣。廼屏人說張卿曰。臣觀諸侯邸第百餘。皆高帝一切功臣。〔補注〕先謙曰索隱此一切猶一例同時非如他一切訓權時也。今呂氏雅故

本推轂高帝就天下。如淳曰呂公知高祖貴。目女妻之。推轂使爲長者也。師古曰謂翼戴崇獎。目成帝業。若車之行助推其轂。故得引重而致遠也。〔補注〕先謙曰雅常也。故舊也。猶言平昔。指諸呂平昔本助成帝業。非謂呂公。功

至大。又有親戚太后之重。太后春秋長。師古曰。言年老。諸呂弱。太后欲立呂產爲呂王。王代。呂后又重發之。鄧展曰。重

難發其事。〔補注〕先謙曰。呂后駁文當作太后。官本不誤。恐大臣不聽。今卿最幸。大臣所敬。何不風大臣。呂聞太后。師古曰。風讀曰。諷。其下亦同。太后必喜。

諸呂呂王。萬戶侯亦卿之有。太后心欲之。而卿爲內臣。不急發。恐過及身矣。〔補注〕先謙曰。官本過作禍。是史記作禍。張卿大

然之。乃風大臣語太后。太后朝。因問大臣。大臣請立呂產爲呂王。太后賜張卿千金。師古曰。千斤之金。〔補注〕先謙曰。恩澤表。封

建陵侯。張卿呂其半。進田生。田生弗受。因說之曰。呂產王也。諸大臣未大服。今營陵侯澤。諸劉長。爲大將

軍。〔補注〕先謙曰。史記諸劉下少長字。當依此訂。大將軍者。侈言之。非澤本立此號也。獨此尙缺望。師古曰。缺音決。今卿言太后。裂十餘縣王之。彼得王喜。於諸呂

王益固矣。張卿入言之。又太后女弟呂須女。亦爲營陵侯妻。〔補注〕先謙曰。官本須作類。故遂立營陵侯澤爲琅邪王。

〔補注〕劉敞曰。高后紀。元年王諸呂。七年立劉澤。與此傳不同。說在高紀。琅邪王與田生之國。急行母畱。師古曰。田生勸之。出關。太后果使人追之。已出。卽還。

澤王琅邪二年而太后崩。澤乃曰。帝少。諸呂用事。諸劉孤弱。引兵與齊王合謀。西欲誅諸呂。至梁。聞漢

灌將軍屯滎陽。澤還兵備西界。遂跳驅至長安。

師古曰。齊王傳云。使祝午給琅邪王。琅邪王馳見齊王。齊王因留琅邪王。而使祝午盡發琅邪國。而并將其兵。琅邪王既見欺。不得反國。乃說

齊王求入關計事。齊王目爲然。乃益具車送琅邪王。與此傳不同。疑此傳誤也。〔補注〕宋祁曰。漸本注文給字下有說字。一本給作說。齊召南曰。案顏注。是琅邪王本無意於誅諸呂。特見詐於齊王。其後又因敗以爲功耳。是以通鑑從齊王傳。

代王亦從

代至。諸將相與琅邪王共立代王。是爲孝文帝。文帝元年。徙澤爲燕王。而復召琅邪歸齊。

李奇曰。本齊地。前分目王澤。今

復與齊也。澤王燕二年薨。諡曰敬王。子康王嘉嗣。九年薨。

〔補注〕宋祁曰。九年當作二十六年。史記年表。漢表皆同。錢大昭曰。自文三年至景五年。正合二十六年之數。此作九年誤。

子

定國嗣。定國與父康王姬姦。生子男一人。奪弟妻爲姬。與子女三人姦。定國有所欲誅殺臣肥如令郢

人。郢人等告定國。

如淳曰。定國自欲有所殺。餘臣肥如知令郢人目告也。師古曰。此說非也。肥如。燕之屬縣也。郢人者。縣令之名也。定國別欲誅其臣。又欲誅肥如令郢人而爲郢人等所告也。〔補注〕先謙曰。顧炎武云。地理志。肥如自

屬遼西郡。不屬燕。武帝紀。元朔元年秋。匈奴入遼西。殺太守。諸侯王表言。武帝下推恩之令。而藩國自析。長沙燕代。雖有舊名。皆亡南。北邊矣。然則肥如之屬於燕。必在元朔以前。未析邊郡之時也。先謙案。肥如故城。在今永平府盧龍縣北三十里。肥如令郢人。卽定國所欲誅殺之臣。顏謂別欲誅其臣。亦非。

定國使謁者召它法。劾捕格殺郢人滅口。至元朔中。郢人昆弟復上書。具言定國事。

〔補注〕先謙曰。主父偃亦發定國陰事。見偃傳。

下公卿皆議曰。

〔補注〕先謙曰。皆字當在議下。誤倒。

定國禽獸行。亂人倫。逆天道。當誅。上許之。定國自殺。

立四十二年國除。

〔補注〕宋祁曰：四十二年當作二十四年。周壽昌曰：表作二十四年。錢大昭曰：高后七年至元朔二年，凡五十四年，表傳俱誤。

哀帝時，繼絕世，乃封敬王澤玄孫

之孫無終公士歸生爲營陵侯。

師古曰：無終，其所屬縣也。公士，第一爵。歸生，名也。〔補注〕錢大昭曰：歸生爲侯，表失載。

更始中，爲兵所殺。

師古曰：更始，劉聖公之年號也。〔補注〕先謙曰：

官本注。

脫年字。

吳王濞，高帝兄仲之子也。高帝立仲爲代王，匈奴攻代，仲不能堅守，棄國閒行走雒陽，自歸天子，不忍

致法，廢爲合陽侯。

〔補注〕先謙曰：自歸天子爲句，言歸命於天子也，不忍致法上，當更有天子二字，語意方足。史記重天子二字是也。此奪文合陽，馮翊縣，說詳志。

子濞封爲沛侯。

〔補注〕先謙曰：沛，沛郡縣，三國

時所謂小沛也。今徐州沛縣東。

黥布反，高祖自將往誅之。濞年二十。

〔補注〕先謙曰：史記有有氣力三字。

呂騎將從破布軍，荆王劉賈爲布所殺。

無後。

〔補注〕先謙曰：官本無所字，引宋祁云：浙本爲布字下有所字。

上患吳會稽輕悍，無壯王填之。

師古曰：悍，勇也。填，音竹刃反。〔補注〕先謙曰：顧炎武云：錢康功云：漢書吳王濞傳：上患吳會輕悍，今本漢

書並作吳會稽，不知順帝時始分二郡。漢初安得言吳會稽？當是錢所見本未誤。後人妄增之。齊召南云：吳會猶言吳之都會也。胡三省通鑑辨誤已嘗論之。先謙案：高紀灌嬰傳：功臣表周聚下，皆言吳郡是楚漢閒，嘗分秦會稽郡爲吳郡。景帝後併合之。吳會稽自當

時語耳。顧齊

諸子少。

師古曰：少，幼也。

乃立濞於沛，爲吳王。

師古曰：行至沛而封拜濞也。

王三郡五十三城。

〔補注〕宋祁曰：故東陽郡、鄣郡、吳郡，卽賈舊封。

已拜受

印高祖召潁相之曰若狀有反相。師古曰若汝也此下亦同獨悔業已拜。師古曰獨悔者心自懷悔不目語人也既曰封拜爲事因

拊其背。師古曰拊摩循之也一曰拊輕擊之音芳羽反曰漢後五十年東南有亂豈若邪然天下同姓一家慎無反潁頓首曰不敢

會孝惠高后時天下初定郡國諸侯各務自拊循其民吳有豫章郡銅山。章昭曰此有豫字誤也但當言章郡今故章也補注齊召南曰案注中

章郡故章二章字俱應作鄣字鄣郡卽丹陽郡也志有銅官沈欽韓曰寰宇記大銅山在揚州江都縣西七十二里吳王濞卽山鑄錢處小銅山在建安軍永貞縣西北八十里案永貞卽今儀徵縣考縣志銅山今並在儀徵界又池州府銅陵縣有銅官山卽

招致天下亡命者盜鑄錢。補注先謙曰東煮海水爲鹽日故無賦國用饒足如淳曰鑄錢煮海收其利曰足國用故無賦於民也補注先謙曰

正義云吳國民何得無賦如說非也山海之利不賦之故云無賦先謙案下文明言以銅鹽故百姓無賦如說是張說非耳史記淮南王安傳伍被言吳王上取江陵木以爲船一船之載當中國數十兩車國富民衆孝文時吳太子入

見得侍皇太子飲博吳太子師傅皆楚人。補注錢大昕曰吳之師傅當是吳人而史稱楚者戰國時吳越地皆併於楚漢初承項羽之後吳會稽皆羽故地故上文言上患吳會稽輕悍此云楚人輕

悍吳楚異名其實一也朱買臣輕悍又素驕博爭道不恭皇太子引博局提吳太子殺之。師古曰提擲也音徒計反於是遣其

喪歸葬吳吳王愠。師古曰愠怒也音於問反曰天下一宗。師古曰猶言同姓共爲一家死長安卽葬長安何必來葬復遣喪之長安葬

吳王由是怨望。稍失藩臣禮。稱疾不朝。京師知其日子故。驗問實不病。諸吳使來。輒繫責治之。吳王恐。

所謀滋甚。

師古曰。滋益也。

及後使人爲秋請。

孟康曰。律。春曰朝。秋曰請。如古諸侯朝聘也。如淳曰。漢不自行也。使人代己致請禮。師古曰。二說皆是也。請音材。姓反。

上復責問吳使者。使

者曰。察見淵中魚不祥。

服虔曰。言天子察見下之私。則不祥也。補注。沈欽韓曰。列子說符篇。趙文子曰。周諺有言。察見淵魚者不祥。智料隱匿者有殃。韓非說林上。隰子曰。古者有諺曰。知淵中之魚者不祥。

今吳王

始詐疾。反覺見責急。

補注。先謙曰。官本反作及。是史記作及。

愈益閉。

補注。先謙曰。閉匿不來朝。

恐上誅之。計乃無聊。唯上與更始。

師古曰。言赦其已往之事。

於是天子皆赦吳使者歸之。而賜吳王几杖。老不朝。吳得釋。其謀亦益解。然其居國。曰銅鹽。故百姓無

賦。卒踐更。輒予平賈。

服虔曰。目當爲更卒。出錢三百。謂之過更。自行爲卒。謂之踐更。吳王欲得民心。爲卒者顧其庸。隨時月與平賈也。晉灼曰。謂借人自代爲卒者。官爲出錢。顧其時庸平賈也。師古曰。晉說是也。賈讀曰價。謂庸直也。

補注。宋祁曰。謂卒踐更。皆得庸直也。溝洫志。蘇林注曰。平賈。以錢取人作卒。顧其時庸之平賈。如淳曰。律說。平賈有得錢二千。

歲時存問茂材。賞賜閭里。

師古曰。茂。美也。茂材者有美材之人也。

它郡國

吏欲來捕亡人者。頌共禁不與。

如淳曰。頌。猶公也。師古曰。頌。讀曰咨。補注。周壽昌曰。頌。史記作訟。訟亦訓公。史記呂后紀。未敢訟言誅之。章昭注。訟。公也。本書刑法志。年八十以上。八歲以下。當鞠繫者。訟繫之。注謂

寬容之。不桎梏也。蓋頌亦訓容。並從容音。史記魯仲連傳。世以鮑魚爲無從頌而死者。皆非也。注從頌卽從容。此言公容隱之禁不與也。

如此者三十餘年。曰故能使其衆。

補注。先謙曰。史記作四十餘年。正義云。

史公盡言吳王一代行事也。班固見其語在孝文之代，乃減十年。

朝錯爲太子家令，得幸皇太子，數從容言吳過可削。

師古曰：從，音千容反。

數上書說之，文

帝寬，不忍罰。呂此吳王日益橫。

師古曰：橫，音胡孟反。

及景帝卽位，錯爲御史大夫，說上曰：昔高帝初定天下，昆弟少

諸子弱，大封同姓，故孽子悼惠王、王齊七十二城。

師古曰：孽亦庶也。〔補注〕錢大昕曰：高紀封齊王七十二縣，此云七十二，或彼文誤也。先謙曰：史記漢傳作七十餘城，齊王世家作七十

城，蓋舉大數。

庶弟元王、王楚四十城。

〔補注〕錢大昕曰：楚元王傳及高紀俱云王三十縣，此云四十城，恐誤。先謙曰：史記作四十餘城。

兄子王吳五十餘城，封三庶孽，分

天下半。今吳王前有太子之隙，詐稱病不朝。

〔補注〕宋祁曰：一本無稱字。

於古法當誅，文帝不忍，因賜几杖，德至厚也。

不改過自新，迺益驕恣，公卽山鑄錢，煮海爲鹽。

師古曰：公謂顯然爲之也，卽就也。

誘天下亡人，謀作亂逆，今削之亦反，不

削亦反，削之其反亟，禍小，不削之其反遲，禍大。

師古曰：亟，急也。音居力反。

三年冬，楚王來朝，錯因言楚王戊往年爲薄

太后服，私姦服舍。

服虔曰：服在喪次，而私姦宮中也。師古曰：言於服舍爲姦，非宮中也。服舍，居喪之次，聖室之屬也。

請誅之，詔赦，削東海郡。

〔補注〕先謙曰：史記此下有削吳之豫章郡會稽郡句。

及前二年，趙王有罪，削其常山郡。

〔補注〕先謙曰：史記作河間郡。

膠西王卬賣爵，事有姦，削其六縣。漢廷臣方議削吳，

吳王恐削地無已。因欲發謀舉事。念諸侯無足與計者。聞膠西王勇好兵。諸侯皆畏憚之。〔補注〕先謙曰。諸侯史記作諸。

齊謂膠東濟北之屬。於是迺使中大夫應高口說膠西王曰。〔補注〕先謙曰。口說者史記言無文書。吳王不肖。有夙夜之憂。師古曰。凡言不肖者謂其鄙陋。無所

象似也。解在刑法志。〔補注〕先謙曰。官本無其字。不敢自外。使使臣諭其愚心。王曰。何呂教之高。曰。今者主上任用邪臣。聽信讒賊。

變更更律令。師古曰。更改也。侵削諸侯。徵求滋多。誅罰良重。師古曰。滋亦益也。良實也。信也。〔補注〕先謙曰。史記重作善義異。日呂益甚。語有之曰。狃糠

及米。師古曰。狃。古醢字。醢。用舌食也。蓋目犬爲喻也。言初醢糠。遂至食米也。醢。音食爾反。〔補注〕齊召南曰。索隱言狃糠盡則至米。謂削土盡則滅國也。顏注迂曲。不如索隱說。王先慎曰。說文狃下云。犬食也。謁下云。以舌取食也。或作醢。顏以狃爲醢。非。狃糠

盡則米見。語出流俗。不妨以犬爲喻。小司馬釋應高本意。義得並存。齊駁亦非也。史記狃作舐。荀子強國篇。伏而舐天。注。舐與舐同。然舐舐皆說文所無。吳與膠西知名諸侯也。一時見察。不得安

肆矣。師古曰。肆。縱也。吳王身有內疾。不能朝請。二十餘年。師古曰。內疾。謂在身中。不顯於外。請。音材。姓反。常患見疑。無目自白。師古曰。白。明也。脅肩綦

足。猶懼不見釋。師古曰。脅。翕也。謂斂之也。綦。古累字也。累足。重足也。並謂懼耳。釋。解也。放也。竊聞大王曰。爵事有過。〔補注〕先謙曰。過。責也。所聞諸侯削地。罪不

至此。師古也。言其本罪皆不合削地也。此恐不止削地而已。王曰。有之。子將奈何。高曰。同惡相助。同好相畱。同情相求。同

欲相趨同利相死。

〔補注〕王念孫曰。史記同情相求作同情相成。案惡助爲韻。好留爲韻。情成爲韻。則作成者是也。淮南兵略篇亦曰。同利相死。同情相成。成字。隸或作庇。與草書求字相似。因譌而爲求矣。〔昭二十年左傳。處以求媚。〕

晏子外篇。求作成。

今吳王自曰與大王同憂。願因時循理。棄軀曰除患於天下。

〔補注〕錢大昭曰。意亦可乎。〔補注〕錢大昭曰。意與抑局。

膠西

王瞿然駭曰。

師古曰。瞿然。無守之貌。音居具反。

寡人何敢如是。主上雖急。固有死耳。安得不事。

師古曰。安。焉也。〔補注〕馬壽昌曰。言安得不以君事之。而遽云反乎。

史記事作戴亦此意。

高曰。御史大夫朝錯。營或天子。侵奪諸侯。

師古曰。營。謂回繞之也。〔補注〕錢大昕曰。營與熒通。非回繞之義。沈欽韓曰。孔子世家。匹夫而熒惑諸侯者。罪當誅。營或卽熒惑。

蔽忠塞賢。朝廷疾怨。諸侯皆有背叛之意。

〔補注〕宋祁曰。叛當作畔。

人事極矣。彗星出。蝗蟲起。此萬世一時。而愁勞聖

人所召起也。

〔補注〕先謙曰。索隱所謂殷憂以啓明聖也。

吳王內召朝錯爲誅。外從大王後車。方洋天下。

師古曰。方洋。猶翱翔也。方音房。又音旁。洋音羊。〔補注〕先

謙曰。史記。方洋作彷徨同。

所向者降。所指者下。莫敢不服。大王誠幸而許之一言。則吳王率楚王。略函谷關。守滎陽。敖

倉之粟。距漢兵。治次舍。須大王。

師古曰。次舍。息止之處也。須待也。

大王幸而臨之。則天下可并。兩主分割。不亦可乎。王曰。

善。歸報吳王。猶恐其不果。迺身自爲使者。

師古曰。潛行而去也。

至膠西面約之。膠西羣臣。或聞王謀。諫曰。諸侯地不

能爲漢十二。師古曰不當漢十分之二。爲叛逆呂憂太后非計也。

文穎曰王今承一帝。尙云不易。假令事成。兩主分爭。患之太后也。

今承一帝。尙云不易。假令事成。兩主分爭。患

迺益生。王不聽。遂發使約齊。留川。膠東。濟南。皆許諾。

〔補注〕先謙曰。史記濟南下有濟北二字。則下文濟北有根本書奪文。

諸侯既新削罰。震恐。

多怨錯。及削吳會稽。豫章郡書至。則吳王先起兵。誅漢吏二千石。呂下。膠西。膠東。留川。濟南。楚。趙。亦皆

反。發兵西。齊王後悔。

〔補注〕先謙曰。史記有飲藥自殺四字。案此時齊但城守。聞樂布破三國兵後。欲移兵伐之。乃懼而自殺。此史駁文。班刪正之。

背約城守。濟北王城壞未完。其

郎中令劫守王。不得發兵。膠西王。膠東王。爲渠率。

師古曰。渠大也。

與留川。濟南。共攻圍臨留。趙王遂亦陰使匈

奴與連兵。七國之發也。吳王悉其士卒。

師古曰。悉。盡也。盡發使行。

下令國中曰。寡人年六十二。身自將。少子年十四。亦

爲士卒先。諸年上與寡人同。下與少子等。皆發二十餘萬人。

〔補注〕周壽昌曰。發下。史記更有發字。是也。去此發字。則二十餘萬人五字無根。而皆發二字又止完上

語不能連下讀。

南使閩東越。閩東越亦發兵從。

〔補注〕先謙曰。閩東越。謂閩越。東越也。史記作南使閩越。東越亦發兵從。不言閩越發兵。据下文。吳王保東越。是東越發兵。閩越未發也。明此次閩字誤衍。

孝

景前三年正月甲子。初起兵於廣陵。西涉淮。因并楚兵。發使遺諸侯書曰。吳王劉濞敬問膠西王。膠東

王。留川王。濟南王。趙王。楚王。淮南王。衡山王。廬江王。故長沙王子。

如淳曰。吳芮後四世無嗣。國除。庶子二人爲幸。列侯不得嗣王。志將不滿。故誘與之反也。

教曰。漢有賊臣錯。

〔補注〕先謙曰。幸教下史記有寡人二字。

無功天下。侵奪諸侯之地。使吏劾繫訊治。曰。侵辱之爲故。

孟康曰。故事也。師古曰。言

專目侵辱諸

侯爲事業。不曰諸侯人君禮遇劉氏骨肉。

師古曰。人君者。言諸王各自君其國。

絕先帝功臣。進任姦人。誑亂天下。

〔補注〕先謙曰。史記。誑作註。

欲危社稷。陛下多病志逸。不能省察。

師古曰。逸。放也。〔補注〕先謙曰。史記作志失。失卽佚之省字。與逸義同。

欲舉兵誅之。謹聞教。敝國雖狹。地方

三千里。

師古曰。狹。音胡夾反。

人民雖少。精兵可具五十萬。

〔補注〕宋祁曰。浙本無精字。先謙曰。史記有精字。

寡人素事南越。三十餘年。其王諸君

皆不辭。分其兵。曰。隨寡人。

師古曰。諸君謂其酋豪。

又可得三十萬。寡人雖不肖。願以身從諸王。南越。直長沙者。因王

子定長沙。曰。北。

如淳曰。南越直長沙者。因王子定之。師古曰。直。當也。言越地之北。當長沙者也。〔補注〕先謙曰。南越已從吳王。何得更定南越。南越二字上屬爲句。直長沙者。但謂地近長沙者也。

西走蜀漢中。告越。

如淳曰。告。東越使定之也。師古曰。此說非也。言王子定長沙已北。而西趣蜀及漢中。平定。曰。訖。使報南越也。走。音奏。〔補注〕宋祁曰。顏注已北。當作曰。北。使報。當作便報。先謙曰。定長沙蜀漢。何用告東越南越。如顏說皆非也。史正義謂告東越及楚與淮南三王。偕吳王

西向。告越二字下屬。近是。

楚王淮南三王與寡人西面。

師古曰。淮南三王。謂厲王三子爲王者。淮南衡山濟北也。

齊諸王與趙王定河間河內。或入臨晉

關。或與寡人會雒陽。

師古曰：臨晉關，即今之蒲津關。

燕王趙王故與胡王有約。燕王北定代雲中，轉胡衆入蕭關。

〔補注〕王念孫曰：轉

字。師古：無音。案：轉讀爲專，專謂統領之也。史記作搏，索隱：搏音專，專謂專統領胡兵。又田完世家：搏三國之兵。徐廣曰：搏音專，專猶并合制領之謂也。下文云：王專并將其兵，義與此同。專、搏、轉聲相近，故事又通作轉。莊子：盜跖篇：無轉而行，無成而義。即山水篇所謂與時俱化而無肯專爲也。

走長安。

師古曰：走音奏。〔補注〕先謙曰：官本無注六字。

匡正天下，曰安高廟，願王勉之。楚元王子淮南三王或不

沐浴十餘年，怨入骨髓。

師古曰：言心有所懷，志不在沐浴也。

欲壹有所出久矣。

師古曰：謂發兵。

寡人未得諸王之意，未敢聽。今諸王苟

能存亡繼絕，振弱伐暴，曰安劉氏社稷所願也。吳國雖貧，寡人節衣食用。

〔補注〕先謙曰：史記用上之字。

積金錢，脩兵

革，聚糧食，夜日繼日，三十餘年矣。凡皆爲此。

師古曰：爲此，謂欲反也。爲音于僞反。

願諸王勉之，能斬捕大將者，賜金五千斤。

封萬戶，列將三千斤，封五千戶，裨將二千斤，封二千戶，二千石千斤，封千戶。

〔補注〕先謙曰：史記更有千石五百斤，封五百戶句，此奪文。

皆爲列侯。其曰軍若城邑降者，卒萬人，邑萬戶，如得大將。

師古曰：曰卒萬人或邑萬戶，來降附者，其封賞則與大將同，下皆類此。

人戶五千，如得

列將，人戶三千，如得裨將，人戶千，如得二千石，其小吏皆曰差次受爵金，它封賜皆倍軍法。

服虔曰：封賜倍漢之常法。

〔補注〕王先慎曰。軍是常形近誤字。據服注所見本。尙不誤。史記正作常。

其有故爵邑者。更益勿因。師古曰。於舊爵之外。特更與之。願諸王明。曰。令士大夫。不敢欺也。

寡人金錢在天下者。往往而有。非必取於吳。師古曰。言處處郡國皆有之。諸王日夜用之。不能盡。有當賜者。告寡人。寡

人且往遺之。敬。曰。聞。七國反。書聞。天子迺遣太尉條侯周亞夫。將三十六將軍。往擊吳楚。遣曲周侯酈

寄擊趙。將軍轅布擊齊。〔補注〕錢大昕曰。七國起兵。齊固未嘗反也。然濟南。菑川。膠東。膠西。皆故齊地。史言擊齊。擊齊地之反者耳。故功臣表亦稱布以將軍擊齊有功。大將軍竇嬰屯滎陽。

監齊趙兵。〔補注〕先謙曰。史記淮南王安傳。伍被言吳王行珠玉金帛。賂諸侯宗室大臣。獨竇氏不與。初。吳楚反。書聞。兵未發。竇嬰言。故吳相爰盎。召入見。上

問。曰。吳楚之計。盎對曰。吳楚相遺書曰。賊臣朝錯。擅適諸侯。削奪之地。師古曰。適讀曰謫。〔補注〕宋祁曰。浙本適字下有過字。先謙曰。史記有過字。

呂故反。名爲西共。誅錯。復故地而罷。師古曰。復音扶。目反。次下亦同。〔補注〕先謙曰。官本注次作以。方今計獨斬錯。發使赦七國。復其故地。

則兵可毋血刃而俱罷。師古曰。血刃。謂殺傷人而刃著血也。上從其議。遂斬錯。語具在盎傳。曰。盎爲泰常。〔補注〕先謙曰。胡三省云。中六年。始改奉常爲太常。

時盎猶爲奉宗廟使。吳王。弟子德侯爲宗正。師古曰。奉宗廟之指意也。吳王弟子德侯爲宗正。師古曰。德哀侯廣之子也。名通。〔補注〕先謙曰。公卿表。孝景三年。通爲宗正。三年薨。輔親戚使